

中國近代史資料叢刊

義和團

4

中國新史學研究會主編

神州國光社

中國新史學研究會主編

中國近代史資料叢刊

第九種

義和團

惠樹林 瑞家金 渠其王 安濟楊 辦孟榮

神州國光社

義和團資料叢刊第四冊目次

有關義和團上諭

金家瑞 林樹惠

一

附包士傑輯拳時上諭

包士傑

二三

有關義和團奏稿

袁昶

一五

有關義和團輿論

編者

一六

光緒庚子辛丑電報

故宮博物院

二七

庚子勦匪電文錄

楊慕時

三九

庚子教案函牘

祝芾

三六

武垣定亂稟牘

馬毓桂

三九

恆謙手扎殘稿

恆謙

四九

義和拳教門源流考

勞乃宜

四三

續義和拳源流考

支碧湖

四二

拳案雜存

勞乃宜

四七

庚子拳禁義和拳彙錄	勞乃宜	四七五
辛丑和約條文	專錄	四九一
有關義和團人物簡表	編者	五〇一
辛丑條約簽字國公使表	編者	五〇九
各帝國主義的司令官事略	編者	五三三
義和團書目解題	翦伯贊	五三七

有關義和團上諭

有關義和團上諭（輯自清德宗實錄）

林樹惠輯
金家瑞輯

按實錄用干支紀日，今依據陳援庵先生中西回史日曆檢出其爲某日，附註於干支之下，以便讀者。

光緒二十五年己亥二月

辛巳（初三） 山東巡撫張汝梅開缺，聽候查辦，以署江甯將軍毓賢爲山東巡撫，江甯副都統額勒春，暫護江甯將軍。

己亥（廿一） 諭軍機大臣等，電寄張汝梅，德兵遽赴沂境，昨已由總署電知該撫矣。海使無端煽發尋釁，藉口於派兵助地方官護教，情殊叵測，已電諭呂海寰速向德外部剴切阻止，著張汝梅即行電飭夏辛酉，帶隊馳赴沂境，嚴加彈壓，會同地方官，實力保護教民，勿再滋釁，儻有造謠，以驅逐教民爲由，希圖生事之人，即行嚴拏從重懲辦，俾德人知朝廷一視同仁，無論民教，皆歸保護，此後不至再有攻擊之事，無煩德兵越俎代謀，屬其即速撤隊回膠，免滋口舌，張汝梅身任地方，責無旁貸，勿得存五日京兆之見，稍涉疏懈。

又諭，電寄呂海寰，東省沂州教案，疊經總署電咨張汝梅辦理完結，乃海使無端煽發，由膠派兵赴沂，以官兵力有不足藉口，本日又降旨，電諭張汝梅，迅飭登州鎮總兵夏辛酉，帶兵即赴沂州保護彈壓，調和民教，勿令滋事。著呂海寰即向該外部將朝廷保護德人之意，剴切宣告，勿煩德兵相助，諄屬勿聽海使播弄，有傷睦誼，並立即電阻膠澳德員，速止德兵，切勿赴沂，致生枝節，是爲至要。

癸卯（廿五） 諭軍機大臣等，電寄張汝梅等，有人奏，「近來山東民教不和，屢屢滋釁，亦實不免有

虐待教民情事，以致彼教怨恨，藉事生風。」此種情形，總由地方官平時不善開導，遂至睚眦報復，積怨成仇，口角細故，致釀巨案，著該撫諄飭各州縣，卽行剴切曉諭士民，須知入教之人，同係朝廷赤子，與爾民生同里閭，自應誼篤睦鄰，不必因其習教，故存嫉惡之心，庶彼此相安無事，遇有詞訟，無論教不教，地方官總應一律持平辦理，毋得稍涉歧視，以期消患無形，將此電諭張汝梅知之，並移交毓賢一體遵照。尋毓賢奏：「東省教民不和，由來已久，從前平民賤視教民，迨後彼強我弱，教民日見鴟張，橫行鄉里，魚肉良民，斷無虐待教民之事，嗣後遇有詞訟，無論民教，仍一律持平辦理。」得旨，卽著督飭地方官，隨時多方開導，務令民教相安。

甲辰（廿六）諭軍機大臣等，張汝梅電奏：「二十二日上午，有德兵一隊，到蘭山縣之韓家村、白蓮峪村等處，攆逐居人，焚燒房屋柴草，幸未傷人，該縣驗明後，卽妥爲撫卹等語。」日照德兵未退，現又分隊到蘭山滋擾，似此情形，恐至釀成巨禍，著毓賢嚴飭地方官，相機妥爲彈壓，嚴密布置，以防意外之變，一面飛催夏辛酉迅速兼程前進，事機緊迫，兩國兵隊，若相距太遠，何以彈壓保護，該撫務須密飭夏辛酉，相機因應，固不可過於激烈，亦不可稍涉畏葸，總以不動聲色，暗爲布置妥協，設有意外，不至倉猝失措爲要。將此由五百里諭令知之。

又諭，電寄張汝梅，電悉。德兵在蘭山縣、韓家村等處，焚燒房屋，深恐激成事端，著仍遵旨，嚴飭地方官，妥爲彈壓，嚴密布置，一面飛催夏辛酉迅速兼程前進，相機彈壓保護，總以不動聲色，暗中布置爲妥協，設有意外，不致倉猝失措爲要。

又諭，電寄奎俊，有人奏：「川省教案疊出，多由人心向來浮動，與教爲仇，地方官平日既不開誠勸導，遇

事又往往聽斷失平，以致激成釁端。」須知無論民教，朝廷一視同仁，各該地方當剴切曉諭，俾民間里閭同居，互釋嫌怨，勿因細故逞忿，遂啓禍機。總之民教皆良莠不齊，彈壓撫綏，全是有司之責，平日盡心於此，自能消患無形。著奎俊諄飭所屬遵照，儻有意存偏袒，或一味顛預，遇有教案，不即持平辦理，致生枝節，即著從嚴參處。

丁未（廿九）諭軍機大臣等，電寄張汝梅，德兵在日照踞守城門，情殊叵測，著張汝梅迅飭夏辛酉酌留兵隊於蘭山駐防，該總兵即尅日帶營馳赴日照，相機布置，妥爲彈壓，以資鎮懾。

三月

己酉（初二）諭軍機大臣等，電寄毓賢，山東教案疊出，人心浮動，遇有交涉事件，不可不慎，現德兵尙在日照，業經疊諭張汝梅，飭夏辛酉帶隊前往彈壓，明示保護，暗爲防範，毓賢接任後，應仍遵前旨，慎重辦理，相機因應，如果一味蠻橫，固不得事事忍讓，無所底止，尤不得稍涉孟浪，覺自我開，疆臣辦事，總須爲國家通籌全局，期無後患，不宜顧一時毀譽，率意徑行，是爲至要，特此密諭知之。

四月

丁亥（初十）諭軍機大臣等，電寄毓賢，近日膠澳是何情形？德人有無舉動？毓賢身膺疆寄，自應常川派人確探，豫籌防範，不得行所無事，著該撫於接奉此旨後，將青島一帶德兵，現在作何布置？其附近各地方應如何相機因應，分別設防及沂州各屬，有無德人踪迹，均隨時詳晰電聞，勿稍大意。

戊戌（廿一）諭軍機大臣等，電寄毓賢，電悉，日照德兵雖退，惟沿海地方緊要，仍須嚴密防範，東省

兵力，尙嫌單薄，著毓賢通盤籌畫，再行酌募四五營，訓練成軍，擇要扼紮，毋稍大意。

五月

甲子（十八） 諭軍機大臣等，電寄毓賢，電悉，既經嚴飭實力保護，乃德兵仍必欲至高密，著毓賢亦即迅速派隊前往，相機彈壓，妥爲防範，毋得觀望，一面諄飭地方官切實開導，以弭釁端。

六月

丁丑（初一） 諭軍機大臣等，有人奏，德國擄釐侵權，亟宜妥爲防範一摺，所陳慎選守令，講求約章，係爲辦理民教案件，華洋交涉起見，分駐巡兵在附近膠州各邑，及查勘鐵路經過處所，往來梭巡，於保護之中，隱寓鈐制之意，先事豫防，不無裨益，應即查照辦理，惟須選擇素有紀律之統將，申明約束，毋致滋生事端，其遴員駐膠一條，請由撫臣遴調諳練洋務大員，駐紮膠州，專辦交涉事件，著毓賢體察情形，斟酌辦理，山東地方緊要，昨經諭令該撫，酌籌餉項，添練勁旅，著將此次條陳各節，一併妥籌，迅速具奏，原摺著抄給閱看，將此諭令知之。尋奏，款絀將募，先募佐字中前兩營，以資倡率，俟籌的款還有將領，即添募會操，冀成勁旅，至慎選牧令，講求約章各節，現在即墨、高密等縣知縣，均以辦理交涉不善撤回，飭司另委諳練之員接署，其分駐巡兵，及遴員駐膠各節，俟與德員商訂妥洽，分別酌辦，得旨，即著飭司籌定的款，陸續添募，以資防範。

戊子（十二） 諭軍機大臣等，有人奏，教堂被毀賠款，宜詳查酌估，並請將川省昭信股票存銀，移作賠款，勿再攤派等語，各省教堂，偶有被毀之處，華人之充教士者，往往嚇使勾串，動索鉅款，甚至數十百萬，以致賠款愈多，教堂愈添，教案亦因之疊起，種種樞輟，需索無厭，此次教案賠款，經奎俊、悉心酌減，辦理尙屬妥

協，著即督飭地方印委各官，從速查議，早爲一律了結，毋再宕延，據稱各省打毀教堂，分別官賠民賠，著有專條，並著隨案酌覈辦理，至所奏昭信股票一項，尙存銀七十餘萬兩，上年因勦辦余蠻子，該督會請截銀五十萬兩，添募勇營，余蠻子旋即就撫，此項當有贏餘，能否移作賠款，免致攤派民間，著該督體察情形，分別覈辦，又片奏，川省民教涉訟，平民呈詞，自稱曰蟻，請飭禁等語，嗣後川省民間一切呈詞，理應自稱民人，不准再沿稱蟻陋習，原片二件，著鈔給閱看，將此諭令知之。

十月

乙亥（初一） 諭軍機大臣等，有人奏，民教構釁，地方官辦理不善，恐釀巨案一摺，據稱山東平原縣境內，民教因事忿爭，教民賄串蠹役，妄報村民謀變，該署縣蔣楷，遽行飛稟，請兵彈壓，以致營官不察虛實，縱兵開槍，並有擄掠情事等語。近來各處教案疊出，全賴地方官操縱得法，方能消患未萌，若如所奏辦理情形，殊屬乖謬，著毓賢遴派妥員，秉公查辦，務即從速訊結，毋任釀成事端，並將辦理不善之員弁，查明參奏，原摺著抄給閱看，將此諭令知之。

壬辰（十八） 諭軍機大臣等，毓賢奏，平原民教忿爭一案，遵旨查明覆陳一摺，覽奏情節殊屬支離，其掩護情形，難逃洞鑒，署平原縣蔣楷，辦事謬妄，幾釀大禍，著即行革職，永不敘用，營官袁世敦，行爲孟浪，縱勇擾民，著一併革職，該撫僅請將袁世敦，發交袁世凱軍營歷練，顯係意存瞻徇，豈封疆大吏，所宜出此，毓賢著傳旨申飭，將此諭令知之。

癸巳（十九） 諭軍機大臣等，現在時勢日艱，各國虎視眈眈，爭先入我堂奧，以中國目下財力兵力

而論，斷無覺自我開之理，惟是事變之來，實逼處此，萬一強敵憑陵，脅我以萬不能允之事，亦惟有理直氣壯，敵愾同仇，勝敗情形，非所逆計也。近來各省督撫，每遇中外交涉重大事件，往往豫梗一和字於胸中，遂至臨時毫無準備，此等錮習，實爲辜恩負國之尤。茲特嚴行申諭，嗣後儻遇萬不得已之事，非戰不能結局者，如業經宣戰，萬無卽行議和之理，各省督撫，必須同心協力，不分畛域，督飭將士，克敵致果，和之一字，不但不可出諸口，並且不可存諸心，以中國地大物博，幅員數萬里，人丁數百萬，苟能矢志君愛國之誠，又何強敵之可懼，正不必化干戈爲玉帛，專恃折衝尊俎也，將此通諭知之。

又諭，近聞山東各屬，時有匪徒藉仇教爲名，聚衆煽惑，屢釀巨案，若不早加鎮懾，勢將滋蔓難圖，著毓賢體察情形，密飭地方文武，加意撫綏彈壓，務期消患未萌。又自上月以來，意大利兵艦多艘，游弋烟台等處，殊爲叵測，東海邊防，尤應及時籌備，著袁世凱酌撥所部各營，選派得力將官，統帶操演行軍隊，先赴德州，迤邐而前，繞往沂州一帶地方，相機屯紮，隨時操演，藉可就近防範，該侍郎務當嚴飭派往統帶將官，認真約束兵丁，毋得稍涉疏縱，致滋事端，是爲至要，將此各諭令知之。

庚子（廿六） 諭軍機大臣等，近聞山東地方，有大刀會、紅拳會各種名目，多係不逞之徒，藉鬧教爲名，結黨橫行，欺壓良善，地方文武彈壓緝捕，俱不得力，巡撫毓賢，又固執成見，以爲與教民爲難者，卽係良民，不免意存偏袒，似此因循日久，必致滋生事端，該撫身任封圻，遇事總須持平辦理，消患未萌，豈得沽一己之名，竟置大局於不顧，著卽督飭所屬文武各員，查明各種會匪名目，嚴行禁止，儻敢仍前聚衆，藉鬧教爲名，結黨滋事，並著從嚴懲辦，以靖地方，將此諭令知之。

十一月

戊申（初四） 命山東巡撫毓賢，來京陛見，以工部右侍郎袁世凱，署山東巡撫。

戊辰（廿四） 諭軍機大臣等，有人奏，山東民教不和，亟宜持平辦理一摺，所奏語多中肯，其推原民教情形，亦確切近日情事，著袁世凱嚴飭各屬，遇有民教之案，持平辦理，不可徒恃兵力，轉致民心惶惑，總之操縱之妙，在乎平時，地方官果爲衆情所服，遇事自不難化大爲小，化有爲無，其所陳慎重兵端，整頓吏治，尤爲扼要之論，原摺著鈔給閱看，將此諭令知之。

又諭，有人奏，請飭嚴拏會匪以靖地方一摺，據稱各處會匪，名目甚多，有與中、安清道友、袍哥、天地、哥弟、三合、三點、大刀、小刀等名目，潛匿各省，而營伍廢弛，兵弁或有入會者，捕役卯冊，匪徒亦有含混挂名者，地方官不能嚴拏重懲，致令益無忌憚，請飭嚴拏等語。著步軍統領衙門、順天府、五城御史，嚴密查拏，遇有破獲，著卽從優議獎，並著通行各直省將軍督撫，一體從嚴緝拏，以清盜源而靖地方，原摺均著鈔給閱看，將此各諭令知之。

辛未（廿七） 諭軍機大臣等，電寄袁世凱，電悉，前因屢有人奏陳山東民教不和，亟宜持平辦理等語，當於二十四日，詳切寄諭該署撫遵照矣。拳民聚衆滋事，萬無寬縱釀禍之理，惟目前辦法，總以弭患未然爲第一要義，如已尋擊官兵，始終抗拒，卽須勦辦，示以兵威，亦應詳查案情，分別辦理，不可一意勦擊，致令鋌而走險，激成大禍，著袁世凱相機設法，慎之又慎，嚴飭吉燦升、馬金敘等，隨機因應，各了各案，毋輕聽謠傳，任令營員貪功喜事，稍涉操切，儻辦理不善，以致腹地騷動，惟袁世凱是問，將此諭令知之。

十二月

丙子（初三）諭軍機大臣等，前因屢有人奏，山東民教不合，亟宜持平辦理，業經疊次諭令袁世凱慎重籌辦，茲復有人奏，東省民心未定，宜速籌開解鎮撫之方，並慮及該署撫一意主勦，致滋事端等語，山東民教不和，總以引患未然爲第一要義，前兩次寄諭，至爲詳盡，諒該署撫必能體察情形，分別辦理，斷不至一味操切，以致激成巨禍，有負委任，此摺著鈔給閱看，該署撫惟當懷遵前旨，相機設法，慎之又慎，仍隨時就案了案，以期引患無形，是爲至要，將此諭令知之。

丁丑（初四）諭內閣，袁世凱電奏，山東平陰、肥城兩縣匪徒聚衆滋事，將教士架至毛家鋪地方，該署撫多方設法贖救，並派馬隊兜拏，卒以防護不及，教士被匪徒殺害等語。覽奏，殊深惋惜，各國傳教，載在約章，疊經諭令各該督撫，督飭地方官，隨事隨時認真保護，奚止三令五申，乃山東地方，竟有教士被害之事，該地方文武各員，事前疏於防範，已屬咎無可辭，若不即將兇犯趕緊緝獲，尙復成何事體？著袁世凱迅將疏防之該管各官，先行參處，一面勒限嚴緝兇犯，務獲懲辦，以靖地方而敦鄰好。

諭軍機大臣等，電寄袁世凱，電悉，事雖出於防護不及，惟案關交涉，亟應嚴飭會同，督同肥城平陰兩縣，趕將兇犯如限緝獲，從嚴懲辦，以昭儆戒，另電辦理高密一案情形，併悉，派兵彈壓，雖照約應行咨明，究之權操自我，務須嚴飭派往營官，相機極力保護，毋任藉滋口實。

丁酉（廿四）硃諭：朕以冲齡入繼大統，仰承皇太后垂簾聽政，殷勤教誨，鉅細無遺。迨親政後，復際時艱，亟宜振奮圖治，敬報慈恩，即以仰副穆宗毅皇帝付託之重。乃自上年以來，氣體違和，庶政殷繁，時虞叢

勝，惟念宗社至重，是以籲懇皇太后訓政，一年有餘，朕躬總未康復，郊壇宗社諸大祀，弗克親行。值茲時事艱難，仰見深宮宵旰憂勞，不遑暇逸，撫躬循省，寢饋難安。敬念祖宗締造之艱，深恐弗克負荷，且追維入繼之初，恭奉皇太后懿旨，俟朕生有皇子，卽承繼穆宗毅皇帝爲嗣，此天下臣民所共知者也。乃朕痼疾在躬，艱於誕育，以致穆宗毅皇帝嗣續無人，統系所關，至爲重大。憂思及此，無地自容，諸病何能望愈？用是叩懇聖慈，於近支宗室中，慎簡元良，爲穆宗毅皇帝立嗣，以爲將來大統之歸。再四懇求，始蒙俯允，以多羅端郡王載漪之子溥儀，承繼爲穆宗毅皇帝之子。欽承懿旨，感幸莫名，謹當仰遵慈訓，封載漪之子溥儀爲皇子，以綿統緒。將此通諭知之。

二十六年庚子正月

癸亥（廿日） 諭軍機大臣等，總理各國事務衙門奏，請飭嚴禁拳會一摺，上年據山東巡撫電稱，各屬義和拳會，以仇教爲名，到處滋擾，並及直隸南境一帶，疊經諭令直隸山東督撫，派兵彈壓。此種私立會名，聚衆生事，若不嚴行禁止，恐愚民被其煽惑，蔓延日廣，迫釀成巨案，不得不用兵勦辦。所傷實多，朝廷不忍不教而誅。着直隸山東各督撫，剴切出示曉諭，嚴行禁止。俾百姓咸知私立會名，聚衆滋事，皆屬違禁犯法，務宜革除惡習，勉爲良民。倘仍有執迷不悟，復蹈故轍，卽行從嚴懲辦，勿稍寬縱。至民教同爲編氓，凡遇此等詞訟案件，該地方官務當秉公審斷，但分曲直，不論民教，不得稍有偏倚，用副朝廷一視同仁之至意。將此各諭令知之。

二月

丙戌（十四日） 調……山東巡撫毓賢，爲山西巡撫，實授袁世凱爲山東巡撫。

三月

乙卯（十三日） 直隸總督裕祿奏，義和拳匪蔓延直境，遵旨派員帶隊督同地方官，妥爲彈壓，並出示嚴禁，得旨，即著隨時認真查禁，毋稍疏懈。

庚申（十八日） 諭內閣，各省鄉民，設團自衛，保護身家，本古人守望相助之理，果能安分守法，原可聽其自便，但恐其間良莠不齊，或藉端與教民爲難，不知朝廷一視同仁，本無畛域，該民人等所當仰體此意，無得懷私逞忿，致起釁端，自干咎戾，著各省督撫嚴飭地方官，隨時剴切曉諭，務使各循本業，永久相安，庶無負諄諄誥誡之意。

甲子（廿二） 諭軍機大臣等，前據裕祿奏稱，直隸地方，有外來之義和拳會，到處煽誘愚民，藉辭與教民尋釁，現在設法彈壓解散等語。畿輔重地，豈可任令匪徒糾結，滋生事端，提督梅東益、道員張蓮芬，在直年久，熟悉地方情形，應即責成該二員相機辦理，切實開導，諭以民教皆朝廷赤子，食毛踐土，自應彼此永遠相安，遇有兩造爭執之案，論是非不分民教，務在持平辦理，毋稍偏徇，民間學習拳技，自衛身家，亦止論其匪不匪，不必問其會不會，是在該督嚴飭地方官吏，準備酌理，因應得宜，非朝廷所能遙制也，將此諭令知之。

四月

甲戌（初三） 諭軍機大臣等，有人奏，義和團蔓延日甚，請飭籌辦團練一摺，據稱直隸、山東兩省，拳民殆徧，將及近畿，數月以來，仍未解散，請飭派員辦理團練，以弭隱患等語。所奏是否可行？著裕祿、袁世凱各

就地方情形，通籌妥議，據實覆奏，總期消息無形，毋任聚衆滋事，致啓釁端，亦不得勉強從事，徒滋紛擾，原摺均著鈔給閱看，將此各諭令知之。尋袁世凱奏，查明拳會實難改練鄉團，得旨，卽著隨時察看情形，分別辦理，以杜亂萌。

壬午（十一）諭軍機大臣等，近聞畿輔一帶，義和團拳會尙未解散，漸及京師，深恐良民被其誘惑，以致勾結爲患，京城內外地面遼闊，居民衆多，著步軍統領衙門，嚴密稽查，設法除禁，毋任聚衆滋事，致啓釁端，將此諭令知之。

庚寅（十九）諭軍機大臣等，前因義和團拳會延及京師，曾經寄諭步軍統領衙門，認真查禁，近聞京城內外奸民，以拳會爲名，到處張貼揭帖，搖惑民心，事關交涉，深恐釀成釁端，應如何防範查禁之處，著步軍統領衙門、順天府、五城御史，會同妥議章程，迅速辦理，仍將籌辦情形，先行覆奏，並著裕祿一體嚴禁，將此各諭令知之。

癸巳（廿二）直隸總督裕祿奏，義和拳會，始自山東，皆係無籍游民，託言持符念呪，能以降神附體，金刃不入，鎗礮不傷，誘惑鄉愚，無非爲牟取衣食之計，現在飭令提督梅東益、道員張蓮芬等，隨處稽查，督同地方各官，切實開導，以期保安黎庶，消息無形，得旨，著卽督飭地方官，隨時彈壓，仍遵前旨，分別辦理，毋稍偏縱。

乙未（廿四）諭軍機大臣等，前因直隸地方，拳教相聞，疊經諭令該督，派員分別彈壓解散，乃聞近畿一帶，派出之帶勇員弁，辦理不善，甚至縱容兵勇，以查拏拳匪爲名，擇肥而噬，勒索鄉愚，以致閭里騷然，良